



# Tšhiano ya diphoofofo

Sepedi



Harold Gondwe

# Tšhiano ya diphoofolo

Mongwadi ke Harold Gondwe  
Moswantšhi ke Moses Dhladhla




Phetolelo ya puku go Sepedi e dirilwe ke Maureen Ramusi

Diphoofolo ka moka di ile tša laletšwa gore di ingwadiše maina a tšona go tlo tsenela tšhiano. Palomoka ya boingwadišetšo bja tšhiano e be e le lesome la diranta. Diphoofolo di be di tlile go kitima bokgole bja dikilometara tše hlano.



Mofenyi o tla hwetša lekgolo le tee la diranta.  
Wa mathomo yo a latelago o tla hwetša  
diranta tše masomehlano.  
Wa bobedi yo a latelago o tla hwetša  
diranta tše masometharo.



Mmutla o be o thabile kudu ka ga tšhiano ye,  
wa thoma ka potlako go itšhidulla.

“Se se šetšego ke gore ke thopile sefoka sa  
mathomo, ga go na le o tee wa lena yo a ka  
ntšhiago; le a se tseba seo ka moka.”



“Mmutla, o tloga o ikgodiša kudu.  
O tseba bjang gore o tla ba mofenyi ka gore  
ga sešo ra šiana?”  
Khudu ya botšiša ka pefelo.



“Khudu, o nagana gore o ka šia mang?”

“Hle, o seke wa be wa itshwenya ka go nagana se ge o ka kitima le rena.”

Mmutla wa realo ge o kwera Khudu.



Letšatši la tšhiano la fihla. Diphoofole ka moka di be di apere marokgwana a tšona a go kitima. Borokgwana bjo bongwe le bjo bongwe bo na le nomoro ye e ngwadilwego ka morago.

Lethabo le be le ipontšha go diphoofole ka moka, le Khudu e be e bonagala e ikemišeditše go kitima.






Lentšu le kwagetše go tšwa maekrofounong le re: “Tšhiano e kgauswi le go thoma, ka moka itokišeng.” Seo sa latelwa ke modumo wa sethunya sa go thoma. Phaa! Se se bontšhitše gore tšhiano e thomile.




Tšhiano e diragetše tseleng yeo e bego e rotogela kudu. Khudu e ile ya nagana ka leano la go fenyā tšhianong ye.

Ka morago, Khudu ya uta hlogo ya yona le maoto ka gare ga mmele wa yona. Morago ga moo, khudu ya kgokologa ya feleletša e le kgauswi le mothalo wa mafelelo wa tšhiano.



Khudu ya lebelela morago. E bone Mmutla le diphoofole tše dingwe di kitima di lebile mothalading wa go fetša go tšwa kgojana. Ya batamela mothalading wa go fetša gomme ya kwagala e re: "Ke mofenyi! Ya realo e phaphatha diatla!"



Mmutla wa batamela mothalading wa go fetša, gomme wa kwagala o re:  
“Ga go kgonege! Khudu e ka fenya bjang tšhianong mola e sa kgone go kitima?”  
“Dira dinyakišišo.”  
“Nnete ke gore ke nna mofenyi!” Khudu ya realo ka boikgodišo e sega.



# DITEBOGO

**Mongwadi ke**  
Harold Gondwe

**Moswantšhi ke**  
Moses Dhladhla

**Molekodi ke**  
Mavis Ndlovu

**Mohlami ke**  
PixelPing Design

**Mofetoši wa puke ke**  
Maureen Ramusi

**Motsinkedi wa puku ke**  
Makoma Phatudi



ISBN 978-0-638-00714-5



basic education  
Department:  
Basic Education  
REPUBLIC OF SOUTH AFRICA

